



FYLKESMANNEN I MØRE OG ROMSDAL

Saksbehandlar, innvalstelefon
fagsjef Ulf Lucasen, 71 25 84 24

Vår dato
25.07.2017
Dykkar dato
25.07.2017

Vår ref.
2017/2788/ULLU/433.52
Dykkar ref.

Norddal kommune
Postboks 144
6211 VALLDAL

Iverksetjing av fellingsløyve på skadegjerande jerv på halvøya vest for fylkesveg 63 i kommunane Norddal og Stranda

Fylkesmannen viser til telefonisk kontakt med Norddal kommune v/Jarle Hauge om saka 24. og 25.07.2017 og til søknad send over på e-post 25.07.2017.

Med heimel i naturmangfoldlova § 18 første ledd bokstav b) og § 77, jf. forskrift om forvaltning av rovvilt § 9, jf. §§ 1 og 13, gir Fylkesmannen i Møre og Romsdal Bjørn Helge Rønneberg skadefellingsløyve på ein jerv frå 25.7.2017 til og med 08.08.2017.

Fylkesmannen har lagt særleg vekt tidspunktet for skaden og på å hindre vidare skade på sau. Nærare vilkår følgjer av dette brevet.

Løyvet vart formidla på e-post til Jarle Hauge 25. juli.

Bakgrunn

Søknaden er fremma på bakgrunn at det er funne to sauekadaver der SNO har konkludert med at det er jerv som er skadevaldar. Elles er det funne ein sau som var jaga, og det er fleire sauer i området som manglar lam.

Det er søkt om skadefellingsløyve i samband med gjennomføring av tilsyn.

Juridisk grunnlag for avgjerala

Det rettslege grunnlaget for avgjerala er Lov av 19. juni 2009 nr. 100 om forvaltning av naturens mangfold § 18 andre ledd bokstav b) og § 77, jf. forskrift 18. mars 2005 nr. 242 om forvaltning av rovvilt (rovviltforskrifta) § 13, jfr §§ 1 og 13.

Naturmangfoldloven § 18 (annet uttak av vilt og lakse- og innlandsfisk etter vurdering av myndighetene):

Kongen kan ved forskrift eller enkeltvedtak tillate uttak av vilt og lakse- og innlandsfisk (...)

b) for å avverge skade på avling, husdyr, tamrein, skog, fisk, vann eller annen eiendom, (...)

Vedtak etter første ledd bokstav a til f kan bare treffes hvis uttaket ikke truer bestandens overlevelse og formålet ikke kan nås på annen tilfredsstillende måte. (...)

Rovviltforskrifta § 9 (Fylkesmannen sin myndighet til å iverksette betinget skadefelling):

Ved vurderingen av om det skal gis tillatelse til skadefelling skal det legges vekt på føringene i regional forvaltningsplan, jf. forskriften § 6. Felling kan bare gjennomføres dersom det ikke finnes annen tilfredsstillende løsning ut fra prinsippet om geografisk differensiert forvaltning. Det skal særlig tas hensyn til

- a. områdets betydning som beitemark*
- b. skadenes omfang og utvikling*
- c. potensialet for fremtidige skader*
- d. muligheten for å gjennomføre forebyggende tiltak*

Felling skal være rettet mot bestemte individer. Vedtak om felling skal være begrenset til et bestemt område, tidsrom og antall dyr. Det kan knyttes nærmere vilkår til fellingstillatelsen, herunder at bestemte typer dyr skal være unntatt, at felling skal foretas av nærmere bestemte personer, metoder for felling og utbetaling av fellingsvederlag og/eller dekning av påløpte utgifter med unntak av lønn mv. i forbindelse med felling. Felling og forsøk på felling i henhold til denne bestemmelsen gjennomføres uavhengig av grunneiers jaktrett, jf. viltloven § 35.

Skadefelling er eit verkemiddel for å avhjelpe akutte skadesituasjonar som kan oppstå. Løyve til skadefelling er difor knytt til bestemte skadesituasjonar, og vert avgrensa i tid og rom.

Rovviltnemnda i region 6 har i vedtak av 20. april d.å. i sak 19/17 fastsatt en kvote på 5 betinga skadefellingsløyve på jerv i region 6 (Sør- og Nord-Trøndelag, samt Møre og Romsdal) frå 1. juni 2017 – 15. februar 2018. Det er så langt ikkje felt på denne kvoten. I vedtaket står det mellom anna følgjande om skadefelling av jerv:

Bestanden ligger over bestandsmålet per i dag. Terskelen for skadefelling bør være lav i områder som har oppfylt bestandsmålet i henhold til forvaltningsplanen. I områder uten mål om yngling av jerv skal terskelen for å få skadefellingstillatelse være lav.

Fylkesmannen si vurdering

Etter naturmangfaldlova § 5 er det eit mål at artane og deira genetiske mangfald skal bli ivaretatt på lang sikt og at artane skal kunne forekome i levedyktige bestandar i sine naturlege utbreiingsområde. Tiltak etter naturmangfaldlova skal likevel vegast opp mot andre viktige samfunnsinteresser, jf. § 14. Naturmangfaldlova § 5 og prinsippet om geografisk differensiert forvaltning er konkretisert gjennom §§ 3 og 4 i rovviltforskrifta og gjennom den regionale forvaltningsplanen for rovvilt i region 6.

Det nasjonale bestandsmålet for jerv er i rovviltforskrifta § 3 fastsatt til 39 årlege ynglingar. Bestandsmålet er vidare fordelt på fem av åtte forvaltningsregionar for rovvilt, jf. rovviltforskrifta § 4. I rovviltregion 6 er det mål om 10 årlege ynglingar. Dei fylkesvise

bestandsmåla går fram av forvaltningsplanen, og er i Møre og Romsdal på 3 tre årlege ynglingar i Sunndalsfjella og Reinheimen.

Etter rovviltforliket punkt 2.2.19 skal soneinndelinga forvaltast tydeleg. Dette er tydeleggjort i brev av 28. april 2014 frå klima- og miljøministeren til fylkesmennene og rovviltnemndene og i brev av 21. mai 2014 frå Klima- og miljødepartementet (KLD) og Landbruks- og matdepartementet (LMD) til rovviltnemndene, med kopi til fylkesmennene. I område som i forvaltningsplanen er definert som yngleområde for rovvilt skal beitenæringa tilpasse drifta med utgangspunkt i at det vil forekome rovvilt i beiteområdet. Her skal terskelen for skadefelling vere høg. I prioriterte beiteområde veg omsynet til beitenæringa tyngst, og det skal vere lav terskel for uttak av rovdyr som har gjort eller er venta å gjere skade i desse områda.

Etter naturmangfaldlova § 7 skal prinsippa i §§ 8 til 12 leggast til grunn som retningsliner ved offentleg myndigheitsutøving. Offentlege vedtak som kan påverke naturmangfaldet skal så langt det er rimeleg vere tufta på vitskapleg kunnskap om artar sin bestandssituasjon samt effekt av påverknad, jf. § 8.

Gjennom statusrapportar frå Rovdata og informasjon frå det nasjonale overvakningsprogrammet for rovvilt har vi god kunnskap om den samla belastninga jervebestanden er utsett for, jf. naturmangfaldlova §§ 8 og 10. Ut over nokre påkjørslar og predasjon, skjer avgangen av jerv hovudsakleg gjennom lisensfelling og skadefelling. Føre var-prinsippet i § 9 vert difor tillagt lita vekt i denne saka.

Førebelse tal frå Rovbase viser at det hittil er 9 dokumenterte eller antatte ynglingar av jerv i region 6. 3 av desse er registrert i Møre og Romsdal. På landsbasis er talet 43 registrerte jervekull per 17. juli (kjelde: Rovdata, jervetelleren).

Fylkesmannen viser til forvaltningsplanen for rovviltregion 6, der det ikkje er mål om å ha jerv i den delen av fylket som denne saka gjeld. Talet på påviste ynglingar ligg førebels over det nasjonale bestandsmålet, under bestandsmålet for jerv for regionen, og på bestandsmålet for Møre og Romsdal fylke. Fylkesmannen legg til grunn at felling av ein skadegjerande jerv utanfor forvaltningsområdet for jerv innanfor fastsatt kvote frå rovviltnemnda, ikkje vil verke inn på overlevinga til den sørvestlege jervebestanden i Norge.

Det følgjer av rovviltskrifta § 9, at Fylkesmannen skal gjøre ei særlig vurdering av den konkrete situasjonen opp mot følgjande fire kriterium; området si betydning som beitemark, omfang og utvikling av skadane, potensialet for framtidige skader, og mogelegheita for å gjennomføre førebyggande tiltak.

Det er fleire buskapar som beitar på denne halvøya, og det er så tidleg i sesongen at det er urealistisk å nytte tidleg sinking av sau for å hindre vidare jerveskade. Området ligg utanfor jerveområdet i vårt fylke. Det vil seie at beiteinteressene er prioriterte framfor bevaring av jerv.

På grunn av at beiteinteressene er prioriterte i dette området blei det og avliva jervetispe med to ungar i dette området i vår for å hindre framtidig skade på sau. I dei områda der

jerven valdar skade på sau startar skadane vanlegvis opp i starten på august for så å auke på utover hausten. I dette området har starta opp ekstra tidleg. Det gjer at det er grunn til å frykte auka tap utover mot slutten av beitesesongen om det ikkje lukkast å felle jerv i området.

På bakgrunn av påvist jerveskade på lam og tapssituasjonen i buskapen elles, gir Fylkesmannen skadefellingsløyve på ein jerv fram til og med 8. august. Fellingsløyvet gjeld i den delen av kommunane Norddal og Stranda som ligg på halvøya vest for fylkesveg 63.

Vedtak

Ut frå vurderingane ovanfor og med heimel i naturmangfaldlova § 18 første ledd b) og § 77; jf. §§ 1, 3, 9 og 13 i rovviltforskrifta av 18.03. 2005, samt vedtak fatta av Rovviltnemnda for region 6 den 20. april 2017 i sak 19/17, gir Fylkesmannen Bjørn Helge Rønneberg fellingsløyve på ein (1) skadegjerande jerv.

Følgjande vilkår er knytt til iverksetjing av fellingsløyvet:

1. Fellingsløyvet gjeld frå 25.07.2017 til og med 08.08.2017.
2. Løyve til felling gjeld på halvøya vest for fylkesveg 63 i kommunane Norddal og Stranda
3. Fellingsløyvet vert gitt til Bjørn Helge Rønneberg, som er ansvarleg for fellingsforsøket (fellingsleiar).
4. Fellingsleiar er ansvarleg for at alle som tek del i fellingsforsøket er kjent med vilkåra i dette vedtaket. Deltakarane i fellingslaget går fram av vedlegg til dette vedtaket.
5. Fellingsleiar og deltakarane i fellingslaget løyet skal ha avlagt skyteprøve for bruk av rifle til storviltjakt seinast i 2016. Dei skal òg vere registrerte som lisensjegerar, jf. Forskrift om utøving av jakt, felling og fangst, av 22. mars 2002, §§ 13 og 14.
6. Det skal berre nyttast våpen og ammunisjon som tilfredsstiller krava til jakt på jerv, jf. Forskrift av 22. mars 2002 om utøving av jakt, felling og fangst.
7. Felling eller forsøk på felling skal umiddelbart meldast til Fylkesmannen på mobilnr. 480 22 090 og til Statens naturoppsyn.
8. Dersom jerv vert skadekoten pliktar dei ansvarlege å gjere det dei kan for å avlive dyret snarast mogeleg. Skyttar pliktar å forvisse seg om påskote dyr er truffe eller ikkje. Ved skadeskyting skal skyttar utan opphold underrette Fylkesmannen og nærmeste politimynde (tlf: 02800). Fylkesmannen avgjer vidare gjennomføring og avslutting av ettersøk. Dei som har deltatt i fellingsforsøket skal utan godtgjering hjelpe forvaltningsmynde eller politimynde i det vidare ettersøket.
9. Jerv felt i medhald av dette løyet er viltfondet sin eigedom. Etter § 16 i Forskrift om forvaltning av rovvilt, skal jeger vise fram felt dyr for SNO for kontroll og prøvetaking

så snart som råd etter felling. Jeger skal kunne påvise fellingsstad dersom SNO, politi eller fylkesmannen ber om det.

10. Felling og forsøk på felling etter dette løyvet kan gjennomførast uavhengig av grunneigar sin jaktrett, jf. viltloven § 35.

Klage

Dette vedtaket kan påklagast innan 3 veker etter at melding om vedtaket er motteke eller gjort tilgjengeleg i Miljøvedtaksregisteret; jf. forvaltningslova kap. IV, §§ 28 og 29. Ei eventuell klage bør grunngjevest og skal stilast til Miljødirektoratet, Postboks 5672 Sluppen, 7485 Trondheim, men sendast til Fylkesmannen i Møre og Romsdal, Postboks 2520, 6404 Molde.

Alle vedtak som gjeld felling av freda rovvilt blir gjort tilgjengeleg på www.miljovedtak.no. Ein kvar kan fortløpande følgje med på vedtak som gjeld felling av freda rovvilt, ved å abonnere på vedtaka (epostvarsling).

Med helsing

Ulf Lucasen (e.f.)
ass. miljøverndirektør

Dokumentet er elektronisk godkjent og har ingen signatur.

Vedlegg: Liste over deltakarar i fellingslaget

Kopi:

Rovviltnemnda i region 6 v/Fylkesmannen i Nord-Trøndelag	Postboks 2600	7734	STEINKJER
Bjørn Helge Rønneberg		6215	EIDSDAL
Miljødirektoratet	Postboks 5672 Sluppen	7485	TRONDHEIM
Stranda kommune	Øyna 13	6200	STRANDA
Stranda og Norddal lensmannskontor	Øyna 15	6200	STRANDA
Statens naturoppsyn	Postboks 5672 Sluppen	7485	TRONDHEIM

Fellingslag:

Bjørn Helge Rønneberg (fellingsleiar)	6215	Eidsdal
Frode Rønneberg	6215	Eidsdal
Asbjørn Aarset	6215	Eidsdal
Svein Ove Bjørge	6215	Eidsdal
Torkjell Rønneberg	6215	Eidsdal
Georg Indreeide	6215	Eidsdal
Roy Meek	6214	Norddal